



Broj: 05-07-14-3862/09
Sarajevo, 04.11.2009. godine

BOSNA I HERCEGOVINA	
PARLAMENTARNA SKUPŠTINA BOSNE I HERCEGOVINE	
SARAJEVO	
PRIMLJENO	18.11.2009.
	Broj priloga
01-50-1-15-55/09	

PARLAMENTARNA SKUPŠTINA BOSNE I HERCEGOVINE
Predstavnički dom
n/r gosp. Rifata Dolića, poslanika
SARAJEVO

Predmet: Poslaničko pitanje -dopuna odgovora, dostavlja se

Veza: Akt broj: 01-50-1-15-59/09 od 09.09.2009. godine

Na 59. sjednici Predstavničkog doma Parlamentarne skupštine Bosne i Hercegovine, održanoj 02.09.2009. godine, u okviru komentara na dobijene odgovore na ranije postavljena pitanja, poslanik Rifat Dolić ponovio je Ministarstvu pravde Bosne i Hercegovine pitanje postavljeno na 48. sjednici održanoj 18.03.2009. godine, sljedeće sadržine:

"Koliki je broj i kolika je finansijska vrijednost pravomoćnih presuda sudova u BiH na teret Budžeta institucija BiH na svim nivoima, čije izvršenje je odloženo sukladno donesenim entitetskim zakonima o odlaganju izvršenja pravomoćnih presuda i neodrživoj pravnoj inovaciji "ako njihovo izvršenje ugrožava funkcioniranje institucija vlasti"? Koliko su ovim odlaganjem izvršenja pravomoćnih presuda ugroženi ljudska prava i pravni sistem u BiH i u kojoj mjeri je prisutna opasnost zloupotrebe ovakvih zakonskih odredbi od strane institucija vlasti u BiH?"

Povodom ponovljenog pitanja, Ministarstvo pravde Bosne i Hercegovine zatražilo je podatke od Ministarstva finansija i trezora Bosne i Hercegovine, entitetskih i kantonalnih ministarstava finansija, te na osnovu prikupljenih informacija sačinilo sljedeći

ODGOVOR

Prema informaciji Ministarstva finansija i trezora BiH, Zakonom o finansiranju institucija BiH nije propisana mogućnost odlaganja izvršenja izvršnih sudskih presuda, tako da su sve izvršne sudske presude realizovane na teret namjenskih rezerviranja utvrđenih u godišnjim zakonima o proračunu institucija BiH i međunarodnih obaveza Bosne i Hercegovine.

Ministarstvo finansija Republike Srpske raspolaže podacima o broju pravosnažnih i izvršnih sudskih odluka koje su nadležni sudovi dostavljali navedenom ministarstvu na izvršenje, te podacima o sklopljenim vansudskim poravnanjima, i to u vezi sa starom deviznom štednjom, opštim obavezama budžeta, koje čine unutrašnji dug i obavezama po

osnovu materijalne i nematerijalne štete nastale u periodu ratnih dejstava. U bazi podataka se evidentiraju iznos glavnog duga, troškovi postupka i troškovi izvršenja. U procesu verifikacije, obračunava se dosuđena kamata na iste, a sve neposredno prije izvršenja. Broj evidentiranih pravosnažnih i izvršnih sudskih odluka je 9.562 u iznosu od 160.857.803,27 KM, a broj zaključenih vansudskih poravnanja je 8.892 u iznosu od 72.668.694,00 KM.

Prema informaciji Federalnog ministarstva finansija Zakonom o utvrđivanju i načinu izmirenja unutrašnjih obaveza Federacije Bosne i Hercegovine propisan je način i dinamika izvršenja sudskih odluka iz osnova ratnih potraživanja. U skladu sa članom 3. navedenog zakona obaveze po osnovu ratnih potraživanja izmirit će se putem emisije obveznica. U tom smislu Vlada Federacije BiH donijela je Odluku o emisiji obveznica FBiH po osnovu ratnih potraživanja fizičkih i pravnih lica kojom je precizirana dinamika realizacije tih obaveza. Kao opravdanje ovakvog načina izvršenja sudskih odluka, Federalno ministarstvo finansija ističe: "Ustavni sud Bosne i Hercegovine u odluci o dopustivosti i meritumu broj AP 1211/06 od 13.12.2007. godine, koja se odnosi na izvršenje pravosnažnih sudskih presuda iz osnova ratnih potraživanja, ne osporava izvršenje tih presuda putem emisije dugoročnih obveznica, gdje u tački 76. između ostalog, navodi da Ustavni sud ne umanjuje pravo zakonodavca da pronade odgovarajući *modus operandi* izvršenja pravosnažnih sudskih odluka, te da je pronalaženje odgovarajućeg modaliteta kojim apelanti ne bi u cjelosti bili lišeni stečenog prava koje je priznato pravosnažnim sudskim odlukama prvenstveno zadatak zakonodavca koji je u boljoj poziciji da odluči, s obzirom na okolnosti i na slobodu procjene koju uživa, na koji će način riješiti ovo pitanje". Prema podacima kojima raspolaže Federalno ministarstvo finansija, broj presuda iz osnova ratnih potraživanja je 319 koje su izmirene emisijom obveznica u skladu sa zakonom, a finansijska vrijednost tih presuda je 21.438.715 KM. Presude iz osnova stare devizne štednje izvršavaju se u skladu sa članom 13. Zakona o izmirenju obaveza po osnovu računa stare devizne štednje u Federaciji Bosne i Hercegovine. Federalno ministarstvo finansija smatra da se ovakvim načinom izvršenja sudskih odluka ne ugrožavaju ljudska prava, niti se ugrožava pravni sistem Bosne i Hercegovine, s obzirom i na naprijed citirani stav Ustavnog suda Bosne i Hercegovine.

Na teret Budžeta Posavskog, Bosansko-podrinjskog i Tuzlanskog kantona, nema ni jedna pravosnažna presuda čije je izvršenje odloženo.

Ministarstvo finansija Kantona Sarajevo ističe da ne vodi evidenciju pravosnažnih sudskih odluka koje se izvršavaju iz Budžeta Kantona Sarajevo sa pozicija svih budžetskih korisnika. Budžetski korisnici preko operativnih centara unose u sistem za izvršavanje, pored ostalog i sudske odluke koje se izvršavaju iz sredstava planiranih u njihovim razdjelima, tako da eventualne evidencije o neizvršenim pravosnažnim sudskim presudama mogu imati budžetski korisnici. Što se tiče presuda koje bi se trebale izvršiti iz sredstava Ministarstva finansija istih nije bilo te time nije moglo biti ni odlaganja izvršenja. Sve presude koje su unesene u sistem za plaćanje od strane operativnih centara su izvršene.

Iz informacije Kantonalnog javnog pravobranilaštva Livno vidljivo je da se kod nadležnog Općinskog suda u Livnu vode izvršni postupci po prijedlogu tražitelja izvršenja na teret Budžeta Kantona Livno u 28 predmeta i finansijskoj vrijednosti u iznosu od 483.821,00 KM, bez zakonskih zateznih kamata i troškova postupka.

Prema informaciji Ministarstva finansija Hercegovačko-neretvanskog kantona broj pravosnažnih presuda koje čekaju na izvršenje na teret Budžeta tog kantona na dan 29.09.2009. godine je 14, a njihova finansijska vrijednost bez kamata je 168.506,89 KM, a ukupna vrijednost naplaćenih sudskih presuda u fiskalnoj 2009. godini, za isti period, sa kamatama, je 1.357.701,00 KM.

U Budžetu Srednjobosanskog kantona za 2009. godinu utvrđen je iznos od 2.000.000,00 KM za izmirenje obaveza po sudskim presudama. Do 31.07.2009. godine od ukupno utvrđene sume realizovano je 1.998.592,28 KM, odnosno 70 presuda. U razdoblju od 01.08.2009. do 30.09.2009. godin, zaprimljeno je novih 60 pravosnažnih presuda i rješenja o izvršenju u ukupnom iznosu od 1.880.747,05 KM bez zateznih kamata.

Ministarstvo finansija Zapadnohercegovačkog kantona u svojoj evidenciji ima podatke o 76 pravomoćnih presuda čija je ukupna vrijednost 536.697,79 KM koje se trebaju izvršiti na teret kantonalnog Budžeta, a njihovo izvršenje je odloženo zbog nedostatka sredstava. U Budžetu Zapadnohercegovačkog kantona za 2009. godinu predviđena je stavka 614800 "Izvršenje sudskih presuda i rješenja o izvršenju" na kojoj su planirana sredstva u iznosu od 300.000,00 KM.

Prema informaciji Kantonalnog pravobranilaštva Zenica, na teret Budžeta Zeničko-dobojskog kantona, zaključcima Općinskog suda u Zenici, u 4 izvršna postupka odloženo je izvršenje pravosnažnih presuda (do okončanja postupka po tužbi trećeg lica, koje je iz izvršnog postupka upućeno na parnicu), ukupne vrijednosti 889.561,24 KM. Prema podacima IKB d.d. Zenica, od 09.10.2009.godine, ukupan broj nerealizovanih rješenja je 663, a ukupan iznos glavnice je 15.581.422,04 KM, bez kamata na glavni dug i kamata na parnične troškove i bez troškova parničnog i izvršnog postupka. Kao važno u informaciji se navodi i da je u 61 izvršnom postupku, u kojem je postavljen zahtjev za izvršenje sa računa Zeničko-dobojskog kantona, sud usvojio prigovor trećeg lica.

Ministarstvo finansija Unsko-sanskog kantona navodi da se u UniCredit banci, kao depozitnoj banci, na dan 25.09.2009.godine, nalazi ukupno 4326 pravosnažnih presuda u vrijednosti od 29.159.844,00 KM bez kamata i ostalih troškova postupka.

S poštovanjem,

